

Ko e Fakama'a Ngoué



"Ko hai te tau fakaafe'i ke nau tokoni mai kiate kitautolú?"

Fai 'e Lucy Stevenson Ewell
(Makatu'unga 'i ha talanoa mo'oni)
Na'e hoko e talanoa ko 'eni 'i 'Ingilani.

Na'e kai fakafosi 'e Siona 'ene me'akai mo mamali. Na'e fakafiefia ma'u pē 'a e ma'u me'atokoni efiáfí 'i he taimi na'e ha'u ai 'a e ongo faifekau.

Na'e pehē mai 'e Sisitā Keala, "Okú ma loto ke vahevahe mo kimoutolu ha pōpoaki fekau'aki mo e ngāue tokoní. Ko e hā 'oku mahu'inga ai e tokoni ki he ní'ihí kehé?"

Na'e pehē ange 'e he kí'i tuofefine sí'i sí'i 'a Siona ko 'Ilaisé, "Koe'uhí 'okú ne 'ai ke fiefia 'a Sisū!"

Na'e pehē ange 'e Sisitā Kulisiteniseni, "Okú ke mo'oni! 'Okú Ne fiefia lahi ai. Pea ko e taimi 'oku tau tokoní'i ai e ní'ihí kehé, 'okú ne 'ai ke tau fiefia ai foki. 'Okú ke 'ilo nai ha taha 'oku fiema'u tokoní?"

Na'e fakakaukau 'a Siona 'i ha kí'i miniti sí'i. "Okú 'ikai ke u lava 'o fakakaukau ki ha tokotaha, ka 'oku ngali fiema'u 'e he ngoue 'i homau 'apiakó, ha tokoní."

Na'e pehē mai 'e he Fine'eikí, "Fakakaukau lelei ia."

Na'e 'i ai ha ngoue 'i he 'apiako 'a Sioná te nau lava ai 'o fai ha ngaahi 'ekitiviti 'i tu'a. Ka na'e fuoloa mai kuo te'eki ai ha taha ke ne tokanga'i 'a e ngoué. Na'e tupu 'afa'afa 'a e musié. Na'e lahi foki mo e vaó.

Na'e pehē mai 'e Sisitā Keala, "Te ma fiefia ke tokoni atu ai! Ko hai te tau fakaafe'i ke nau tokoni mai kiate kitautolu ki hono fakama'á?"

Na'e pehē mai 'e he tokoua 'o Siona ko Sēkopé, "Ko hotau kāinga!"

Na'e pehē ange 'e Siona, "Mo 'etau kalasi Palaimelí."

'I he 'aho hono hokó, na'e talanoa 'a Mami ki ha taha 'i he 'apiakó ke ma'u ha ngofua. Na'a nau fili ha 'aho ke fakama'a 'a e ngoué. Na'e tokoní'i leva 'e Mami 'a Siona mo hono ngaahi tokouá mo e tuofāfiné ke nau telefoni ki honau kāingá mo e kalasi Palaimelí.

Hili ha ngaahi uike sí'i mei ai, na'e fetau-laki 'a Siona mo hono fāmilí mo e ongo faifekau 'i he 'apiakó. Na'e 'i ai foki mo

honau fanga kāsiní mo e ngaahi kaungā-me'a Palaimelí. Kuo taimi ke fai e ngāué!

Na'e tui 'e Siona ha ongo kofunima ngaahi ngoue lalahi. "Sio mai, Mami. 'Oku lalahi hoku ongo nimá!"

Na'e kata 'a Mami. "Te ke lava 'o ngāue 'aki e ongo nima lalahi ko iá ke tokoni ki hono tā hifo e 'akaú."

Na'a ne 'oange kia Siona ha ngaahi helekosi kosi 'akau 'a ia ne hangē ha fanga fu'u helekosi lalahi 'aupitó. Na'a ne tokoní'i leva ia ke ne tu'usi 'a e ngaahi va'a kuo maté.

Na'e pehē ange 'e Siona, "Oku fakalata 'eni."

Lolotonga e kosi 'e Siona e 'akaú, na'e tokoní 'a 'Ilaise ke keli takai 'i he ngoué. Na'e tokoní 'a Sēkope kia Teti ke langa ha fale fo'ou ma'a e manupuná. Na'e ta'aki 'e he toengá 'a e vaó mo tñnaki ha ngaahi va'akau. Na'a nau fa'o ia 'i ha 'ū milemila pelesitiki lalahi lanu pulū. Na'a mo e kí'i tokoua sí'isi'i taha 'o Siona ko 'Eselá, na'a

ne tokoní 'i hono to'o hake 'o e ngaahi fo'i maká.

Na'e 'ikai fuoloa kuo ma'a 'a e ngoué. Na'e lau 'e Siona 'a e 'ū milemila kuo nau fakafonú. Na'a ne pehē mai, "Ko 'ū milemila eni 'e 13!" "Ko e veve lahi kuo tau fakama'a."

Na'e malimali 'a Sisitā Kulisiteniseni. "Taimí ni, te tau fiema'u homou sino lahi ke tokoní ki hono fetuku 'eni ki he kaá."

Na'e takitaha to'o 'e Siona, Sēkope, mo 'Ilaise ha milemila. Na'e ongo'i fiefia 'a Siona 'i he'ene hiki hake 'a e milemila fakafosi ki he kaá. Kuo fakafiefia 'a e tokoní ki he ongo faifekau. Na'a ne fie hoko foki ko ha faifekau 'i ha 'aho. Kimu'a aí, na'e lahi ha ngaahi founa te ne lava 'o tokoní ai. Na'e 'ikai ke ne fa'a tatali ke fakakaukau ki he'ene ngāue hokó! ●

Ko e hā te ke lava 'o fai ke ke tokoní ai ki ho'o ngaahi kaungā'apí?